

寒疫合編

劉興國

寒疫合編序

醫藥之書汗牛充棟求其上
溯軒岐之大源而不悖下作
後學之津梁而不誣入大家
猶瑕瑜互見矧其餘乎仲景

先生爲軒岐後一人著傷寒
論聖德神功師資後世喻嘉
言柯韻伯方中行張路玉諸
家互相發明無愧繼往開來
不可謂非仲景之功臣也諸

家書或譏叔和之謬或辯金
匱之誣紛如聚訟詞多而理
逾晦書多而志不專茫然觀
海渺無涯際瘟疫一證更無
專法明吳又可出始論及之

與傷寒治法迥殊判于冰炭
有功後學不淺乃俗醫不讀
其書不明其理概以傷寒目
之殺人不悟或謂仲景論著
傷寒惜不及瘟疫也予謂仲

景之書簡要該括萬理咸萃
人自不詳審耳如發熱不惡
寒而渴者溫病也方列白虎
黃連梔子承氣等湯已開治
溫法門夫六淫之爲病總不

外乎六經溫疫非卽六淫之
燥火證乎後人於溫加瘟而
諱言之學者不明乎此概曰
傷寒主腦先錯多至於死不
然遷延時日豈不冤哉王子

春田抱幹濟才嘗從予游不
屑屑於章句迨入太學過黃
河厯秦晉燕趙之都登太行
華嶽吟嘯以歸予嘗賞其燕
雲小草知其眼底胸次豈一

藝所能限耶惜遭時亂隱居
彭門半憨山麓兵火後扎瘥
盛行死者枕相藉春田出爲
施治無不立起蓋其天性穎
悟機識通靈讀古人書不泥

古人法傷寒瘟疫判然黑白
明若觀火故也因病世之學
者誤已誤人心甚憫焉乃編
寒疫合編一書括諸子精華
發自心卓見註論而外繼以

歌括俾學者嫻熟其歌詞卽
解其義理卽知其寒與疫也
卽知其某經病當用某經藥
也卽知其傳不傳而進退活
法也眞救人於反掌事半而

功倍君之虛懷推予先覺書
成走以相質予喜不自勝謂
曰君真快人言之明快如是
亟勸付梓以廣其傳以毒諸
世吾知其書不翼而飛不脛

而走也萬家甘雨其在茲乎
何莫非大展幹濟之懷也哉
永爲醫學津梁無疑矣故不
揣髦昧爲之弁言如此時同
治元年十月朔日識於錦城

惜陰書屋羅江友人計恬靜

康甫

卷之八

卷一

一

寒疫合編歌括卷一

自序

傷寒瘟疫乃人間最酷之災醫藥不當多致殺人蓋皆不明於寒疫之旨而入旁門岐路是此非彼以爲法遵古人不知古人

亦不免有悞今人也何則漢自
張仲景出發明素問論著傷寒
爲千古醫宗晉王叔和註於前
林億諸公註於後宋成無已明
方中行陶節菴劉河間以及喻
嘉言舒馳遠柯韻伯群賢並註